

papak ni yaya

ar̥at minkasapit ka nabkis ta rali' hiya, kani ka panyaba' ci apar̥ lu
kahmar̥ ka kur̥ahil na apar̥ tinlaman naha maskakiy nanahi', moka' sun
kur̥ahil na apar̥ hani ga, ana kulkah ci yona ur̥ati', ar̥at ur̥i ga, bita'an na
bari' ga, ini nak ka'ilis ur̥i, bini' itan amutux kinramasan car̥ung na sapit
kani wa, ini' mahmut mahiri' nanu' nak masputing ka kinnanuxan ta.

yaya mu ga, mahyuw la linlungan ni, kunramas ci ci'uli' ur̥i, saringun
mu yuyuk matox ga, ar̥at minkakasang ci ci'uli' ana cami' ule' ga, ar̥at
minni' kinsangun ana minutux, magur̥uw ka insa' min hang ga, satu'en min
ni na ke', ini' hiri' ci linlungan min, kani ga, kelan car̥ung na aysin ka hiya.

yaba' cu har̥i' ci kaca la, ba' har̥i' ci kisli' la, si'ingkux mu matox ka
apar̥ ni yaya mu, moka ur̥uk na papak laha ci kakamil ni ga, ini' pintana' ci
ci'uli, maciras lu yona aysin ka hiyan. ana cu unkuri' happrow sunkawi' ci
papak na ci'uli' ga, ini' cu ulu' ci yoni papak ni yaya mu. maku' munak ini
hur̥a'i' lunlung? hunco' ka yona kani ka papak ni yaya mu ay? mukung.
lunlung cu nak ga, sa'asun mu nak matox, i, hala kelan na aysin car̥ung ka
yaya mu, kani ka be'en ci aysin papak na amutux mu kung.

tutux rex, matatama' min talibur̥ mapatisal min, "hunco' yona aysin

papak sisu' ya' " sun mu? masise' matox cumik kinang ka hiya, maha:

“papak mu hani ga, ar̥at mincakaca' hang kay, sikasar̥ux mu paktox ci
ci'uli”” ma. masin hayuw kumar̥al ci ka kinnapapak ni ka yaya... rali' maga.
mama' min musa maskaking ci ka tagacak, ar̥at lahbuw ka babi'ngun hani,
as ki ka kumehur̥ ci raxal, lu rili'un ar̥at ur̥i' ga, sipahngali' nanu' ci ka
a'awaxan ci king, ana kanel malikur̥ mintana matabuk, ana minki' rik na
ur̥ati' yaba ka raxal ga, kugehun min kora', ci kaca maga, ye nak minnanoh
inu' ka yaba na ur̥ati', as caxuy ci ka papak ni, as taxi' pascaka' ka ur̥uk na
papak ni ma, malabu' ka ilis binuw na ka ur̥ati', as nak sanga' atu' ka hiya
ma. maktugal har̥i' makilux ka hi' ni tinlaman magal ci ilis papak hani,
ungat ka ising rali' as nak ne' ci kinramas ni, buse' la ga, yona kani, as
pakegi' ci aysin ka papak mu la ma.

talagay pintabukan ka insa' ni yaya mu wa, mamaku' nak mangihur̥ ka
linlungan mung ci insa' ni.

(文章大意 僅供參考) ※字數限 200 字

媽媽的愛心腳

老人家從來沒有穿過鞋子，每人都有一雙奇大無比的腳丫子、厚厚的角質層，角質層形成保護屏障，被小石子或被小刺刺到，也傷害不了。這是上天給我們每一個筭路藍縷的先人們最好的禮物。這雙腳陪伴我們到彩虹那端。

媽媽的右腳大拇指有別於一般人，因為連指甲都是愛心的形狀。原來是掏金的 一次意外讓她受傷，上天送她一個愛心腳。母親輕描淡寫著甘苦的過往，讓我鼻酸，我相信，母親這愛心姆指當之無愧，在女兒的是視角裡，確定，無誤。